

Tillögur stjórnar um breytingar á samþykktum félagsins

1. Breyting á kosningu stjórnar

Breyting á grein 4.1

Svona hljóðar greinin í dag

Stjórn sjóðsins skipa fimm menn og fimm varamenn. Tveir aðalmenn og tveir varamenn skulu tilnefndir af atvinnurekendum í hlutfalli við iðgjaldagreiðslur þeirra til sjóðsins, þrír aðalmenn og þrír varamenn skulu kjörnir af sjóðfélögum. Stjórnarkjör skal fara fram með rafrænni kosningu sjóðfélaga, sbr. gr. 4.2, til tveggja ára í senn. Hið fyrra ár skal kjósa einn aðalmann og tvo varamenn og seinna árið tvo aðalmenn og einn varamann. Stjórnarmaður getur hvenær sem er sagt sig úr stjórn og skal segja úr stjórn bresti hann hæfi samkvæmt lögum eða samþykktum þessum. Óheimilt er að afturkalla umboð stjórnarmanns á kjörtímabilinu, nema hann bresti hæfi til að gegna stjórnarsetu samkvæmt lögum eða samþykktum þessum. Tilkynna skal stjórn sjóðsins með formlegum hætti rökstudda ákvörðun þess efnis með tilvísan í viðeigandi lagaákvæði eða samþykktir. Þurfi aðalmaður eða varamaður að stíga til hliðar skal kjósa á næsta aðalfundi til þess tíma sem eftir stóð af stjórnarsetu viðkomandi ef viðkomandi var kjörinn af sjóðfélögum. Ef viðkomandi var tilnefndur af atvinnurekendum skulu atvinnurekendur tilnefna nýjan aðila á næsta aðalfundi. Um slík kjör og tilnefningar gilda ákvæði samþykpta þessa eins og við á.

Tillaga

Breyta kosningafyrirkomulaginu þannig að eitt árið er kosið um þrjá aðalmenn og svo næsta ár kosið um þrjá varamenn. Vegna aðlögunar þarf að koma bráðabirgða ákvæði meðan ný grein tekur að fullu gildi.

Ný grein 4.1

Stjórn sjóðsins skipa fimm menn og fimm varamenn. Tveir aðalmenn og tveir varamenn skulu tilnefndir af atvinnurekendum í hlutfalli við iðgjaldagreiðslur þeirra til sjóðsins, þrír aðalmenn og þrír varamenn skulu kjörnir af sjóðfélögum. Stjórnarkjör skal fara fram með rafrænni kosningu sjóðfélaga, sbr. Gr. 4.2, til tveggja ára í senn. ~~Hið fyrra ár skal kjósa einn aðalmann og tvo varamenn og seinna árið tvo aðalmenn og einn varamann.~~ Stjórnarkjör skal fara þannig fram að eitt árið skal kosið um þrjá aðalmenn til tveggja ára og ~~annað árið skal kosið um þrjá varamenn til tveggja ára.~~ Stjórnarmaður getur hvenær sem er sagt sig úr stjórn og skal segja úr stjórn bresti hann hæfi samkvæmt lögum eða samþykktum þessum. Óheimilt er að afturkalla umboð stjórnarmanns á kjörtímabilinu, nema hann bresti hæfi til að gegna stjórnarsetu samkvæmt lögum eða samþykktum þessum. Tilkynna skal stjórn sjóðsins með formlegum hætti rökstudda ákvörðun þess efnis með tilvísan í viðeigandi lagaákvæði eða samþykktir. Þurfi aðalmaður eða varamaður að stíga til hliðar skal kjósa á næsta aðalfundi til þess tíma sem eftir stóð af stjórnarsetu viðkomandi ef viðkomandi var kjörinn af sjóðfélögum. Ef viðkomandi var tilnefndur af atvinnurekendum skulu atvinnurekendur tilnefna nýjan aðila á næsta aðalfundi. Um slík kjör og tilnefningar gilda ákvæði samþykpta þessa eins og við á.

Ákvæði til bráðabirgða:

Þrátt fyrir 4. málslið í grein 4.1 samþykpta sjóðsins skal stjórnarkjör fara fram með þessum hætti á ársfundum 2027, 2028 og 2029: á ársfundi 2027 skal kosið um tvö sæti aðalmanna til eins árs og sæti eins varamanns til tveggja ára. Á ársfundi 2028 skal kosið um sæti þriggja aðalmanna til tveggja ára og sæti tveggja varamanna til eins árs. Á ársfundi 2029 skal kosið um þrjú sæti varamanna til tveggja ára.

Greinargerð:

Með breytingunni er lagt til að kosningu sjóðfélaga til stjórnar verði breytt þannig að annað hvort ár kjósa sjóðfélagar þrjá aðalmenn til tveggja ára og hitt árið kjósa sjóðfélagar þrjá varamenn til tveggja ára.

Í dag er fyrirkomulagið með þeim hætti að eitt árið er kosið um einn aðalmann og tvo varamenn og seinna árið er kosið um tvo aðalmenn og einn varamann. Þetta fyrirkomulag hefur valdið vandræðum í ljósi þeirrar reglu að hlutfall hvors kynsins má ekki vera lægra en 40%, bæði meðal aðalmanna og varamanna.

Til að uppfylla regluna um hlutfall hvors kyns í stjórninni hefur núverandi fyrirkomulag valdið því að sum árin hafa einungis frambjóðendur af öðru hvoru kyni átt þess kost að vera kosin í stjórn/varastjórn sjóðsins. Verði breytingartillagan samþykkt munu sjóðfélagar af báðum kynjum eiga þess kost að bjóða fram krafta sína, hvort sem kosið er um aðalmenn eða varamenn í stjórn sjóðsins í hverjum kosningum.

2. Grein 4.6 – um áhættudreifingu vegna lífeyrisskuldbindinga

Svona hljóðar greinin í dag:

Stjórn sjóðsins hefur heimild til að tryggja áhættudreifingu vegna lífeyrisskuldbindinga sinna í samræmi við lög um skyldutryggingu lífeyrisréttinda og starfsemi lífeyrissjóða. Sjóðurinn mun kaupa sér tryggingu hjá tryggingafélagi með starfsleyfi hér á landi eða gerast aðili að örorkusamkomulagi við aðra lífeyrissjóði þar til sjóðurinn hefur náð því marki að greiðandi sjóðfélagar verði að minnsta kosti 800 eða þar til önnur fullnægjandi og betri leið samkvæmt mati stjórnar fæst samþykkt af Fjármálaeftirlit Seðlabanka Íslands (hér eftir „Fjármálaeftirlitið“) til að tryggja áhættudreifinguna.

Sjóðurinn sendir Fjármálaeftirlitinu afrit af tryggingasamningi við tryggingafélag eða örorkusamkomulagi við aðra lífeyrissjóði ásamt staðfestingu tryggingafræðings sjóðsins um að 3 samningurinn eða samkomulagið tryggi áhættudreifingu sjóðsins í samræmi við ákvæði laga um skyldutryggingu lífeyrisréttinda og starfsemi lífeyrissjóða. Sjóðurinn tilkynnir Fjármálaeftirliti allar breytingar sem kunna að verða á tryggingasamningi eða örorkusamningi.

Þá er stjórn sjóðsins heimilt að bjóða sjóðfélögum og öðrum aðilum samninga um viðbótartryggingavernd og séreignarsparnað og starfrækja séreignardeild í samræmi við lög um skyldutryggingu lífeyrisréttinda og starfsemi lífeyrissjóða. Stjórn sjóðsins er heimilt í samræmi við tryggingafræðilega athugun, að ákveða lágmarksgjald vegna tryggingaverndar sjóðsins lægra en skylduiðgjald skv. gr. 9.1., þannig að sjóðfélagi geti ráðstafað mismuninum til öflunar réttinda í séreign í samræmi við lög um skyldutryggingu lífeyrisréttinda og starfsemi lífeyrissjóða.

Tillaga:

Tillagan er að 1. og 2. mgr. verði afnumdar. Þar með verður 3. mgr. eina málsgrein greinar 4.6. Lagt er til að gera viðeigandi breytingar á henni.

Ný grein 4.6 myndi þá hljóða svona:

Stjórn sjóðsins hefur heimild til að tryggja áhættudreifingu vegna lífeyrisskuldbindinga sinna í samræmi við lög um skyldutryggingu lífeyrisréttinda og starfsemi lífeyrissjóða. Sjóðurinn mun kaupa sér tryggingu hjá tryggingafélagi með starfsleyfi hér á landi eða gerast aðili að örorkusamkomulagi við aðra lífeyrissjóði þar til sjóðurinn hefur náð því marki að greiðandi sjóðfélagar verði að minnsta kosti 800 eða þar til önnur fullnægjandi og betri leið samkvæmt mati stjórnar fæst samþykkt af Fjármálaeftirlit Seðlabanka Íslands (hér eftir „Fjármálaeftirlitið“) til að tryggja áhættudreifinguna.

Sjóðurinn sendir Fjármálaeftirlitinu afrit af tryggingasamningi við tryggingafélag eða örorkusamkomulagi við aðra lífeyrissjóði ásamt staðfestingu tryggingafræðings sjóðsins um að 3 samningurinn eða samkomulagið tryggi áhættudreifingu sjóðsins í samræmi við ákvæði laga um skyldutryggingu

~~lífeyrisréttinda og starfsemi lífeyrissjóða Sjóðurinn tilkynnir Fjármátaeftirliti allar breytingar sem kunna að verða á tryggingasamningi eða örorkusamningi.~~

~~Þá er s~~Stjórn sjóðsins er heimilt að bjóða sjóðfélögum og öðrum aðilum samninga um viðbótartryggingavernd og séreignarsparnað og starfrækja séreignardeild í samræmi við lög um skyldutryggingu lífeyrisréttinda og starfsemi lífeyrissjóða. Stjórn sjóðsins er heimilt í samræmi við tryggingafræðilega athugun, að ákveða lágmarksgjald vegna tryggingaverndar sjóðsins lægra en skylduiðgjald skv. gr. 9.1., þannig að sjóðfélagi geti ráðstafað mismuninum til öflunar réttinda í séreign í samræmi við lög um skyldutryggingu lífeyrisréttinda og starfsemi lífeyrissjóða.

Greinargerð:

Ástæða þess að lagt er til að afnema 1. og 2. mgr. er að EFÍA þarf ekki lengur að leita leiða til að tryggja áhættudreifingu vegna lífeyrisskuldbindinga sinna þar sem sjóðurinn hefur náð því marki að hafa fleiri en 800 sjóðfélagi í samræmi við 2. mgr. 21. gr. laga um lífeyrissjóði.

3. Grein 12.6 - Samræming

Svona hljóðar greinin í dag:

12.6. Eigi sjóðfélagi, sem ekki hefur náð 65 ára aldri er hann verður fyrir orkutapi, rétt á framreikningi réttinda samkvæmt 12. gr., skal um þann framreikning fara sem hér segir:

- a. Reikna skal meðaltal iðgjalda sjóðfélaga næstu þrjú almanaksárin fyrir orkutapið. Telji sjóðurinn rökstudda ástæðu til að ætla að þetta þriggja ára meðaltal endurspegli ekki venjubundnar greiðslur, er sjóðnum heimilt að leggja til grundvallar iðgjaldsgreiðslur 6 ár aftur í tímann. Við útreikning meðaliðgjalds þessa tímabils skal hvorki taka tillit til þess árs sem lægst iðgjöld bárust vegna sjóðfélaga né þess árs sem iðgjaldsgreiðslur voru hæstar og reikna meðaliðgjaldið því af iðgjöldum þeirra 4 ára sem þá standa eftir. Hafi sjóðfélaginn greitt iðgjöld í skemmri tíma en 6 ár skal reikna út frá viðkomandi árafjöldi. Lífeyrisréttur sjóðfélaga vegna framreiknings ákvarðast jafn þeim réttindum, sem þetta meðaliðgjald, greitt til 65 ára aldurs, myndi hafa veitt honum skv. töflu I í viðauka. Svari meðaliðgjaldið til hærri árslauna en kr. 13.500.000, skal miða við meðaltalið í allt að 10 ár en síðan til 65 ára aldurs skal í stað meðaltalsins reikna með árlegu iðgjaldi af kr. 13.500.000. Iðgjaldshlutfallið skal vera hið sama og hjá meðaliðgjaldinu.

Tillaga:

Tillagan er að auka samræmi við aðra lífeyrissjóði að tillögu Landssambands Lífeyrissjóða.

Ný grein 12.6 hljóðar svona:

12. 6. Eigi sjóðfélagi, sem ekki hefur náð 65 ára aldri er hann verður fyrir orkutapi, rétt á framreikningi réttinda samkvæmt 12. gr., skal um þann framreikning fara sem hér segir:

- a. Reikna skal meðaltal iðgjalda sjóðfélaga næstu þrjú almanaksárin fyrir orkutapið. Telji sjóðurinn rökstudda ástæðu til að ætla að þetta þriggja ára meðaltal endurspegli ekki venjubundnar greiðslur vegna sjúkdóma, slysa, barneigna og/eða atvinnuleysis, er sjóðnum heimilt að leggja til grundvallar iðgjaldsgreiðslur **68** ár aftur í tímann. Við útreikning meðaliðgjalds þessa tímabils skal hvorki taka tillit til þess árs sem lægst iðgjöld bárust vegna sjóðfélaga né þess árs sem iðgjaldsgreiðslur voru hæstar og reikna meðaliðgjaldið því af iðgjöldum þeirra **64** ára sem þá standa eftir. Hafi sjóðfélaginn greitt iðgjöld í skemmri tíma en **68** ár skal reikna út frá viðkomandi árafjöldi. Lífeyrisréttur sjóðfélaga vegna framreiknings ákvarðast jafn þeim réttindum, sem þetta meðaliðgjald, greitt til 65 ára aldurs, myndi hafa veitt honum skv. töflu I í viðauka. Svari meðaliðgjaldið til hærri árslauna en kr. 13.500.000, skal miða við meðaltalið í allt að 10 ár en síðan til 65 ára aldurs

skal í stað meðaltalsins reikna með árlegu iðgjaldi af kr. 13.500.000. Iðgjaldshlutfallið skal vera hið sama og hjá meðaliðgjaldinu.

Greinargerð:

Vinnuhópur á vegum Landssamtaka lífeyrissjóða (LL) telur sanngirnismál að tekið sé tillit til sömu þátta hjá öllum lífeyrissjóðum varðandi 8 ára regluna. Gerð er tillaga að samræmingu þar sem tekið er fram að leggja skuli til grundvallar iðgjaldsgreiðslur 8 ár aftur í tímann ef þriggja ára meðaltal endurspeglar ekki venjubundnar greiðslur vegna sjúkdóma, slysa, barneigna og/eða atvinnuleysis. Því er lögð til breytingartillaga úr 6 árum í 8 ár með þeim rökum að þetta sé þá samræmt á milli sjóðanna með sanngirnissjóðarmið í fyrirrúmi.

4. Taka út Viðauka 1 - gamlar réttindatöflur

Á ársfundi EFÍA 2024 samþykktu sjóðfélagar nýjar réttindatöflur sem tóku 1. janúar 2025. Þær er að finna í viðauka VII við samþykktirnar. Í samþykktunum eru ennþá gömlu réttindatöflurnar. Lagt er til að fella gömlu réttindatöflunum út úr samþykktunum þar sem þær eru orðnar úreltar. Því er lagt til að fella úr samþykktunum Viðauka I.